

集部

欽定四庫全書繁編集卷二十二

詳校官庶吉士臣初喬於

主事臣雲棟覆勘 校對官中書臣高 總校官編修臣王熊緒 曆録監生臣何照都

中

足四年人号三 CONTRACTOR CONTRACTOR . A STREET STREET STREET 服之奉宜與寒士 閩灣屬官之長時 撰

山澤之癃可謂夫夫婦婦矣度越流俗豈不遠哉 賢之朝奉之 不好男子之無欲自古所難令君婦選擇妄滕奉 後我吾以為古者妻不在妄御英敢當夕著在禮 然日是 確乎無好忌之行君亦恬淡自處不累于欲蕭 故與奉曰吾婦之不來憚遠而止兩固皆飾 那與俱也余于是數口賢哉君之夫 知我夫婦者 潘氏也諱妙静故家濟南金 時士大夫備聞此論亦皆

少足の事を書 將氏時族之尊行不啻百數皆屬目視其所為既而 臣世高其節宗及亦以才氣不奉有聞于時故論名族 家有法度嚴不可犯事之盡禮散然無問言近親狐幼 者推潘氏安人自營戲時端静如成人年将及等歸干 中原父大宗正丞諱致祥與其兄郎中渡江南而寓 甚衆舅姑之無悉也實任撫育之責既及克幾先志并 明之小溪因卜居馬郎中使金庭不辱命以正論仵權 致敬禮無違者愈然譽之姑李氏莊簡公兄女也治 聖職我

警第二子常以門戶為念海女若婦具有規絕嫠居之 助親黨無異于往時益勤益儉不資他人每日吾與其 鯁亮以康節自勵安人敬而承之同德一 色兼容有求響答厚爾供億畢爾嫁娶無不意滿而資 用寝微矣多方搏節量入為出賴以均給馬朝奉天資 不足而有求孰若儉約而無求也可謂名言士大夫 備當轉配者十五年日用幾不支矣而勢郎狐寡扶 忍窮補貪求以飽其欲而閨閩中 持論乃如此豈不 心水清玉映

きりゃ

家當兩預鄉舉长女適兵部侍郎趙汝述次通進士潘 佚伯父郎中之祭也祭師佑岳老葬有日二子法請 銘 于奉川溪口之原科朝奉之室子九宗克家俱力學克 深可敬數故家典型于是乎不隆矣兩該思封嘉定十 次足 日華全与 子雖婦人之德而夙夜警戒乃相成之道宣徒柔順 余觀自首論婦德者率以柔順為貴柔順信可貴也然 有志操殊常不以柔順自足者尤為可貴是故無遠夫 二年七月丁未疾卒壽七十有三是歲十二月壬午葬 * 新身

諾之銘曰謂 多で ロガスコマ 理生于名門分作配君子相觀而善兮宜爾具美門 之昌兮曷其有己 一哉安人之立身所可稱述者蓋如此固常學佛矣時 以經為此達者之言也勒諸堅珉孰曰不宜于是敬 入義而不喜誦經或問之則曰直心道場佛亦如是 無非無儀惟酒食是議此言婦人 何夫人宣氏墓誌銘 一于柔兮堅正乃爾謂列于才兮家政則 之職不過平

流俗閨閥楷模于是乎在宣獨惟中饋是供乎此詩所 賢士之行也其識高其慮遠其于義理甚精而不移于 饋而止非若偉丈夫經營于外以才能自表見也嗚呼 以反復此義而余于宣氏夫人所以深有取也夫人諱 文皇日奉在的! 士隆贈太子太保祖贈太子太傅考與言贈太子太師 母史氏贈濟陽郡夫人故太師越紀定王之從妹也 希真上世家太末高大父徒鄞故令為慶元鄞人曾祖 則然矣不曰釐爾女士子盖所謂女士者女子而有 聖齊集

多クロルとう 教長益置爽為于事親而達于世故宮師每以事咨之 爾夫人于是勉同知以務學無負于官師所以期待 任其責爾縫順適成立而後 粹不奉官師曰此兒他日公大苦門顧吾老不及見 與舅姑等叔有童外者姑 資類悟五六歲時間讀 理以對深奇愛之令極密同知夫人 歸于同 公懋之不及養舅姑而奉伯兄夫 百善 即歷歷成誦曾不 者皆依于夫 之弟也自幼

冠婚 孟子及长徒居城中擇精于教尊者俾師事馬歸必 而賓祭惟謹喜周人之急有告以寒不可耐者家止 不堪嚴急請代之翰何公以為非義質諸夫人夫 この時からう 此則非我遭冤乃里正遭冤爾何公然之遂不復 舉之士有得為遇及東人 鄉飲諸篇時時為兒華祖誦而開警之生理素微 業而待其師禮敬甚備又以曲禮內則中庸大學 以界之盗入其室箧胠無餘有司以責里 絮癣集 八以獲厚貴者頗自

資装夫必得之矣別又有子乎申告于廟以義起禮干 我乎葬可也卒如其說中年晨與誦道釋書一日版然 在其中予觀程氏遗書則曰義理之同然者固如是當 曰虚無之言誦之何益孰若吾聖經修身齊家之道具 見也或尼其歸葬夫人曰納采問名已告其先矣婦之 衣冠之裔出教既有子矣而厥婦亡夫黨以為未廟 人日士子當磁礦康隅今嗜利無恥而不知其非 以為能他日尚得一官豈不重為民害乎聞者深愧

多岁四月 有書

飲定四車全書 春官女二長蚤亡次適進士戴燧孫男三人女五人 四年五月癸丑也享年七十有七二子長銷次耕以夫 寒襲其膚也樂之而已又何疑馬既而果愈及其將 也樂屢進而不效二子請禳之夫人曰汝曹執德不固 乃若是耶蓋自宫師教以義方而又屬壓舅氏大夫公 一教皆畏義而自修疆學而立志耕當以漕舉登名 前路晰無疑故卓然有力如此卒之日宴嘉定 指其肩覺而肩痛家人以為疑夫人曰吾所以疾 聖齊集

而見謂有欲是吾過也此豪髮之事爾而終其身深 枢密公党 為無益而不為以小惡為無傷而不去自學者不能免 葬馬嗚呼見善則遷有過則改立身之要道也以小善 原于今三年矣是歲十一月丙申二子奉夫人之喪 有 士鄭宗魯初何公室于鄞縣陽堂鄉下水陽山 可食汝欲之耶吾取以與汝夫人 乎而夫人則異于是方營畝時常省其外伯 ,几間漆合取而玩之復置其處極密之女 甚嘶曰因好弄 祖

回りり

欠己日日 二十一 終來故意為而語真亦足以知夫人之賢起絕乎等倫 觀夫人之致賢弟同知追思痛切屬解祭之其間有曰 為成其志念為切如此且非獨自淑其身而己時事得 怡今閨門之內乃兼有之此同知所賴以立其身原所 民何辜而至此極惟明智故多憂惟慈仁故博愛此夫 嗟吾姊兮非吾姊兮實吾畏友兮盖若古有訓切偲 怡 人平生之所存也二子求銘稔聞其賢不敢解銘曰吾 失未嘗不關心聞嶄之禍不勝慘但寤寐不能忘曰吾 繁新集

金分口月百十 愛異他女使掌 珍藏無秋豪私及嫁歸諸母氏不以 淑人 自隨其康正 人柔順端肅為通議聘馬淑人事母為考夫 逮事姑事特進 紹興中 袁氏贈通議大夫林公諱勉之妻也林氏四 林太淑人袁氏墓誌銘 特進公為名侍後治家有短幾謹擇冢婦 如此時年十 兄嫂以姑禮下氣怡聲供盥掛 有七番寧郡夫人早世 奶

食飲罷然後退諸姑有未行者損已以益之事無鉅細 身親其勞罔不肅給人 後就道黄姚瀬海常鹽多私賣販于官推在官者私馬 親為重姑庭官期奉庭聞子因留侍數月喻遣再三 改定日華台馬 服其清柳內有助馬通議皆學不倦淑人既順適其意 行會特進被命提鹽江東子若婦英後淑人謂通議事 又自課諸兒讀書聲琅琅終日特進甚悦界以所佩魚 八曰監臨敢爾可乎通議然之远去買官鹽以食 以為難能通議為黃姚支鹽 然衛集 而

材請丞司農守三 **鱼使請益所以培極磨厲者甚備後其子祖治以學行** 曰而子後必有達者通議官中都而卒淑人于是年 備嘗難棘念門戶凋落欲振起之教子益嚴名儒碩師 言特進起家寒素亹亹不厭戒子孫勿敢忘自奉甚薄 七爾守節堅確誓無他志哀痛方切重以特進之喪 不時齊戒以助請禱嚴凶民機趣使賑即母得少安 而自視歉然若不及所至郡聞職辨喜見顏色即雨 郡為時間人賢母之教俱顯其亦勞

もでしてるする

潔周人 汉之四事全等 一 情意親黨以此益賢淑人豹然稱曰雖古賢婦不過也 給而止然義所當用不斯歲時祭饋不問有無極于精 為婦為母之道始終成備不根諸為實能如是乎凡 所謂有字盈缶淑人有馬可不謂賢乎放其平生為 為本偏私巧偽不萌于心諛辭誑語未嘗一出于口易 天下是非之分實與不實而已淑人德非一端以為實 日寧不足母得適分居不求安食不御肉寒暑絲紙僅 人之急過于已私甚者倾箱箧聽自擇無毫髮顧 絮霜集

灼左朝議大夫者諱填登住郎子男四廣壽早平次寺 志云始通議君坐桃原西嶼今幾四十年矣弗果合叔 朝議大夫守真州奉板與以行明年當慶元元年十 月二 丞君也次祖壽次祖昌登仕郎亦皆早卒! 叙封晚益光華則其實德之報紹熙五年冬寺弘君 一年九月二十六日葬于陽堂鄉龍山之原蓋淑人之 家世鄭人曾祖諱數左朝奉大夫贈光禄大夫祖諱 八日淑人 八終于官舍壽七十六輛車還鄞遂 一女適朝請

反包事全書 一 知吾姑為詳不敢解乃繁之曰惟古賢婦聲于詩歌我 之紀蔡袁夫人淑人葬有日寺丞君雪泣屬其以銘某 此母淑人聞其風而師馬每曰吾何法法察夫人爾冰 萃宣教部陳卓曾孫男四女六維林氏世載今德閨圖 寒玉潔前後相望有補于世教故宗黨為之語曰百世 嫠居介然起敬鄉黨 醉呼者過門亦羞愧自敢曰母驚 多賢有蔡夫人者寺必君之四世祖她也婉淑有節操 郎陸紀孫男岳修職郎密迪功郎監察孫婿儒林郎錢 架新非

如二兄母蔡氏誨之尤力婉娩聽後織紅組糾酒漿遵 太夫人戴氏明之鄞人免解進士諱冕之李女戴為鄞 金ラロアとう , 道臨凡古公官所教形管所紀德言客功日後事馬 桃 以夫人聰明静專柔嘉孝謹可教也授以諸經肆 謹字畫做顏體甚城而勁不喜遊觀博爽聲歌浮 原鄉著姓家故饒財外祖父始修儒業教子有法 太夫人戴氏擴誌 紫

灰色日年 公司 之習親黨愛重之年十八歸我先君惟志于學太夫 型與夫當今事宜班位崇甲人物高下及民間利病体 買田宅恭儉恪勤生理粗立歲時祭祀潔蠲盡誠睦宗 雅亦好書夙夜警戒相成之道如益友然先君執大 族待賓客并并有條皆可為閨嗣法先君教子甚切太 喪家務不理太夫人攻苦食淡斥房產營喪葬價通負 期以遠葉朝夕海屬每自抄録自古人言行前輩 (助之始學則教之書手寫口授句讀音訓必審長 禁衛集

幸而嬰大威盡哭之明日復畫夜哭變故非常積愛重 營先兄承顏 順志倡率家人奉之甚謹足以佚老矣 不 為人傳玩晚而好佛讀其書甚悉委諸子家事澹然無 美未易于悉數其多能餘事至于尺牘之工屬解措意 妒處事必度于義待物寧過于厚寬而明愛而公其德 戚大抵皆能道之諸子從容侍旁議論往復亹亹不厭 多 反 正是 百言 且戒課以讀書作字無敢不謹遇子婦以思于妾媵不 如教子重幼既多羣嬉成市夫人顏然堂上且喜

成謂非宜即寓館為殯官遂以其年閏二月壬申與先 號順絕罔知所為獨念先君葬日既下不可復易通翼 腹疾作黎明益侵俄至不救運三年正月朔旦諸子哀 次足日事公告了! 乎酷哉享年七十有二長子覺鄉貢進士先太夫人 君合葬于陽堂鄉之穆公山嗚呼痛哉積善之報宜吉 心淳熙辛亥之冬奉先君斬車及墓除夜漏未盡數刻 而凶事起倉卒不得竭力醫療不然于寢不獨于家冤 日襄大事退而棺敛太夫人将奉以還里舍川涂間閼 架衛集

者嗣將有請馬先君姓袁氏諱大字質甫男燮等法 未名而天想預鄉舉长女適太夫人之好宣教郎諸暨 金グロルろうすい 縣丞戴樟次未行孫男女八初吾家父母俱高年兄弟 有七月卒次燮儒林郎沿海制置司準備差遣次藻次 日愛等忍死書歲月納諸擴當代人物必有能銘吾親 補報未能毫末相終淪喪慈顔永缺痛可勝言哉葬有 思俱存無故之時何可復得親庭慈愛隆于山岳人 相友愛綠衣團樂其樂也無涯散好未終酷罰及之追

謹記

太儒人范氏墓誌銘

賢足以合二姓之好故完氏之女逐歸表氏實為先 古所謂閱里之使此兩公者氣質不侔而同于為善亦 昔我先伯祖十三府君清約自守不染俗塵若古所謂 猶拱壁寶劔器物雖殊而同為可珍鄉曲公論俱推其 **山澤之癯同里有范十九丈者倜儻尚氣遇事敢為若**

PANTO HOLD TO YOU 父迪功郎監南戲廟贈通直郎諱方之室晚以仲子 架齊集

金罗正是百十日 朝封太孺人者是也諱普元世家于鄞曾祖諱文祖諱 **費率由已出且經紀家事不以累其夫叔父于是乎收 佺考諱醇以承事郎致仕累贈奉議郎奸孺人楊氏太** 亦年十八志氣頗豪樂裁以正道勉使從學偷脯之 與寒女等伯祖見之大喜曰此我家之子婦也而叔 人之初嫁也年十有八而熟于禮節家格于財而謙 :神遵蹈規矩伯祖所居地不滿三畝欲稍闢之力 調通直日福小如是雖尚安目前獨不為

次足口事 台馬一 若補紉等事男女滿前衣服焚焚曾不見其垢做通直 之納其券于舅舅驚喜曰有婦如此吾得所託矣其無 年五十餘多疾勸以清靜獨設一榻而調脈樂膳賣無 所斯惜既有似乎通翁之倜儻其薄于自奉又有似乎 子計乎會並鄰有求售者亟醫嫁時所自隨之田以買 **迺舅之清約得于薰炙兼此二美以敌今名日出里中** 舉不利資用良害太儒人苦心刻意累積纖微躬蠶桑 三歲大凡精于詩學者纔取其一而通直得之其後累 絮齊集

耳避之仲子敬承其意率以寬厚為本時分俸金賙給 右悉不用而專屬以湯劑之供助夕即內跬步不敢離 子再精務學母自棄暴仲子由是踐世科而通直亦以 所嶄追獲痊愈察其心無一日不以門户為念警策諸 念其親不能暫忘親亦深愛信之奉議之寢疾也屏左 月餘衣不解帶以為孝稱就養黃巖每聞養楚之聲掩 補官平音所期至是少遂矣武盡力于夫家而又深 族亦母氏之志也歲在庚辰鄉邦遭鬱攸之變延及

夕之日日 ときう 志念深矣長子雖未第而解米可觀有進取之具諸孫 治生計蕭然全無可仗者何以堪之爰命其子亟走 存者是可痛也既而釋然曰吾賦禄之家力猶足以革 舊廬聞之流涕曰百年之居殷于一 弟精幾之今為諸王官學教授官教之子光又幾之 而范氏亦然蓋自太儒人之兄臨川及禁實啓其端 亦多俊秀門户之昌其未文乎維表氏素以儒學起家 介存問而補助馬其仁心則但如此所以培植本根者 絮新集 朝前人遺跡略無 至不起寔嘉定十五年二月丙申也享年八十子浹洽 **燕頤之樂旬有五日忽感疾馬百端治之沈綿累月竟** 若尋常之流徼倖于一時易盈而易酒也君子以是知 子為色滿秋以奉議即通判約與府密通鄉那禄廪差 通直締姻之初采諸鄉評契合無問者豈偶然也哉仲 厚他日之官將母以往人子之至願也新居始成宏敞 分教金陵兩家相望名節班班餘慶所鍾久而未歇 明潔殊與舊廬不類以垂白之年安處其中始足以極

金少口及百言

士餘二人尚幼狐以其年十一月庚申舉太孺人之 世公世範世仁世輔孫女長適張炳次許嫁孫源皆進 為賢母其為人也温柔可親而不失之弱聰達過人而 惟太孺人在家則為賢女既嫁則為賢婦及預家政 啓通直之室合葬于鄞縣陽堂鄉南嶼之原哀泣請銘 少足四年 八十二 **婢妾也雖不厲威而終不敢慢德厚而才裕識遠而處** 不矜其能其相夫子也切磋如朋友而未嘗不和其御 漸先一 一年卒女適進士顧應龍國子進士貝自成祭 紫齊集

吾妻邊氏慶元鄞人曾祖諱日章祖諱用和父韓友益 深春秋雖髙精明自若凡我族黨論閨閫之賢行以為 不拔将數岩人端可為法 敷若人養德閨閥不求聲名乃爾烜赫慶源深長福基 颠蘇銘曰蘭生深林其鄰自達玉韞石中其輝自發務 稱首此名宣虚得哉甚辱在子姓之列知之悉矣不敢 九歸于我夫人母張氏嫠居守節教子女有法 夫人邊氏擴誌

金罗亚是名言

久足り野ない 故母敢不恪夫人敬遵之承上拊下服勤不懈男女八 每語之曰而夫之貧而父所知也為汝擇對惟以嗜學 成遂以長而無夭折之患一室纔大餘隆冬不見日色 毫釐不至之處自言吾之心寫于兒之身兒小不安終 人自乳其之飢飽寒燠節適謹甚無項刻不繫于心無 乏母家饒財曾不取貸馬與吾處外若少和察其私愛 日抱持未當置之祖席委之他人也察之微護之謹故 而盛夏烈日暴之居其中者二十有九年安甲陋忍窮 繁新集

榮之有吾為浙東帥屬俸入或循舊例可以取可以無 敬備至吾飲食衣服烹能補約常躬其勞而不使吾盡 官有憫其失職欲稍致力者艴然曰若因人而得之 吾與子肅添世科若固有之無於喜色吾以罪去國達 而寝寬十餘年間婢妄無撫撻者雅意澹泊不貪祭利 知之其用錢其遺人物雖甚微亦必以告每曰吾心如 取問與之謀必以勿取告為子擇婦資遣厚薄聽其於 路人皆可行言由中出行無外飾少壯時性頗嚴久

金月正是百十

次足口事公告 一 而為吾區處繼悉如是此意記可忘耶及秋疾平如常 泰三年看吾將之官関中念其方屬疾也難之夫人曰 或三十餘年不易嫁時所服比其終之歲有可以見賓 三以吾單車獨行處有缺也嗚呼居疾病中不遑自恤 家貨仰禄以給盖並往既行問箧中衣必有副或至于 客者用雖甚儉禮無遺闕有綱有紀閏門間肅如也嘉 事細确必親中歲猶然諫止之弗聽夜率疆半乃寢衣 為無幾微見于言色拊之均平愛憎之迹泯然無有家 絮齊集

書之而溢美不信也被其平生大略據實以書義所當 林宏次適進士鄭景淵餘未行四年三月壬申葬夫人 推官次甫次商女四人長適從事部監鎮江府寄椿庫 于縣之陽堂鄉穆衛先墓之旁夫有美而弗書不仁也 者備常之乃不得一見而缺倉皇還家物是人非修馆 時有適閩之與十有二月疾遽劇旬有一日竟以不起 之懷何可具言哉男四人長喬次肅從事郎江州觀察 凶引至閩哀痛切骨追思平昔艱難辛苦人所不能堪

士轉之孫女而武節大夫諱不此之女也她宜人黄氏 然非私也葬之日納其石于曠兹吾妻之藏密通先舅 久足日年 台上日 寒素有間矣武經吾弟也自高大父光禄公以儒起家 君任安人生長皇族耳目所接熟于豪華贵風之習與 繼母宜人萬氏年十六歸于今武經郎新樞密正将袁 姑取古人族葬之遗意云 八趙氏故太師郇王諱仲御之曾孫女太師韶王諱 安人趙氏擴誌 繁新集

定五年郊恩封安人六年十二月六日卒于長沙之官 職業安人之內助為多開禧二年大饗覃霈封孺人嘉 武經于是委以家政一無所預而得以專其精神勤修 宜若不相契者而姿性婉淑篤志為善無驕暴侈泰之 始有甚了寒女又遇下有思無嫉妒行尤婦人所難能 賢婦風頻藻吉蠲米鹽靡密織組補納之事皆身親之 心奉承舅姑載私載肅相夫子柔而正夙夜警戒有古 子孫遵教居處服用率從儉約與貴家不類安人之來

金少区及人

友足口事人的! 與府司户參軍趙時擇葬有日武經痛賢助之亡追思 不已請書其平生大略而納諸擴余平生喜道人善 月乙酉定子一 舍享年五十反葬于鄞縣朔鳳鄉青山之原以九年 節 曰此閨閫之則也而可以無述乎遂書以授之 可稱者率録不棄別吾弟婦德美者聞親堂 一人南補承信郎女一人適修職郎新紹

	卷二十一

欽定四庫全書 夕とり 日下の上 以和其帥聽命惟謹事且集矣鳥珠惡其專踏而殺之 紹興十有四年七月戊午改簽書樞密院事王公不屈 全死之公之使金也以天子命諭其帥歸我河南地 緊齊集卷二十二 簽書極密院事王節恐公廟碑 **教**燮 撰

柱馬故齊以田單存而王蠋亦有功漢以三傑昌而紀 功也亦惟有肝膽也烈達于大義冒死不顧者為之 而 非獨腹心之臣謀誤于內爪牙之士戰伐于外仗以成 亦有功馬然則我宋之中與趙張岳韓之功信偉 周肯亦有功唐以李郭復振而顏果知張巡盧实之 全節如公者亦豈可少哉公始至敵廷問二聖起居 公河間者六年疆以偽命公義不辱馮敵以死嗚呼 魏然于是子貫日月通神明矣盖當論國家之與

金げて屋るする

夕とり町とはいる 道豈不博哉君子之所為固有初若昧昧而其後路路 英風義梳前後相望迄今聞者其不興起其有補于世 我擒山東河朔日後王師時不可失此豈區區怯懦專 悉心經營卒達上意厥後迎梓宫迎太母犯難而行曾 **死不堪其苦可啗也而終不少屈堂堂乎與忠愍李公** 以成好為足恃者河間之留歲月既深金以公備嘗艱 之機母以臣故憚于進取又言臣昔在金知鳥珠幾為 不自顧每先以壓食其唐儉自處屢言于上尚有可乗 架齊集

時公孫柟尹正京邑建請于朝故有是命柟遵奉之乃 以公葬具陽山乃部廟祀于吳卜築于子城之真慶坊 位官其三孫至光宗時賜盜節愍逮我皇上衰贈有加 捐軀邪正之辨明于黑白故要其然而逐轍判矣時宰 者公東心如是而持正論者武時宰議和之失并以及 恥其不若不以實聞既及天子始知公之死節孝宗嗣 公蓋未親其忠爾時宰忘國饋恥自為身謀和議既決 不易宰相著為信誓豈忠臣之用心哉彼惟固位公乃

諱倫字正道大名人景德祥符問名宰相魏公之諸祭 猶未建民免喪復拜京輦之命始録顛末而屬其潤色 **贍給之規發既備具矣會遭內艱故雖賜額忠肅而** 長廊處祝又于旁含募道流以汎掃買良田收其入 流長変世顯融至公復以節著明于君臣之義達于 也先是晉公手植三槐于庭曰吾子孫必有與者源 ·县雖寡陋然髙山仰止之詩詠之久矣兹不敢辭 .) i 私財是醫是度崇閣此如寢堂異如豁以高軒餘以 1.1. 絮瓣集 深 砰

誠向也未白時宰抑之也然斯人之後湮沒無稱而公 送 魔伏不絕如終我有忠臣不屈于金天實右之列聖 生之說本心卓然俯仰無愧可謂一代之奇傑矣嗚呼 以侑之數乃作詩曰河朔人物如渾金專資篤厚云 相承迄今昌盛天之福善禍淫宣不甚的然哉公之忠 天固知之矣雖更百世英靈如在于其祭也其可無歌 有賢孫振興門户福善禍淫之理益信不誣公之所存 無道我我忠臣天實惡之數傳之後迫于强都奔

金月四月全書

殿自請掉舌鋤騙淫剛 肠憤激涕沾襟一死如蛇獲我 改定四事全事 一 簪牡肥酒冽神其散可解民愠如薰琴驅彼疫寫無 臨誰其蔽之緊乳壬事久論定昭純忱有嚴廟貌裁 深故家遭亂悲陸沈南來氣骨猶蕭森惟公貌古氣駸 心乾坤條變晴為陰雪電隨雨風號林精誠上徹天監 油然層雲早為霖豐我康庾高于举神有大賜民其 祭文 聖職集 敢

挠于推屏居 東閉十三年更化伊始歸見天子逐冬 榜曰攻處行已大端其敢有戾身雖廊廟心則嚴軽念 傑孰堪尸之人皆謂公寬平樂易升包兼容渺無涯沒 嗚呼元老大臣國之表儀萬姓所仰天子是毗不有 政機罷光有燒人皆謂公若無同異熟知其心有一 自古共由惟 知其德濟弘以教自登瑣聞高節凛然守正排姦弗 祭參政大資樓公文 坦途尚適他岐兹惟姦諛公之族居 無

嗚呼自古為國必有正人主張維持公道以伸故立于 哀哉 將時依遐想音容恨不可追薄奠一觸涕泗交頭嗚呼 兹還班級值公寢疾日俟其愈得復親炙公今往矣我 訓生祭死哀人哀其七宣易得哉其實養愚荷公誘掖 其歸歸幾浹辰奄馬易實計聞四方熟不痛惜古也有 念歸休底無愧作帝惜其去固挽留之疾云甚矣始容 祭倪尚書文

少足口事 公告一

禁齊倉

當威年早登青貫屢起屢小卓然不亂年未六十剛肠 朝廷則忠言讀論不知有身而位乎岳牧則無民如子 室懲清 之大致也博通古今探索精微詞華炳蔚端有指歸方 及夫不幸而致而人心盡然其不為之傷痛此公始終 遗奏懇切有規有戒死不忘君可謂深愛此公之始終 正途斯閥自爾居間山巔水濱逍遙自適不繼不磷 如春其或退而歸休則德望歸然人皆與其復 明温潤如冰如玉更化之始正位常伯頭聞 卷二十二 用

ロエとう

来幸新公東直道出逢昌辰學有根源行無繼磷聖主 能容有所切磨靡不樂從我或抱疾問勞不絕亦既見 無愧也嗚呼曾謂盛德如斯而不克究其設施乎某始 自古公朝必登正人屹然特立標準薦紳紀綱廼張 風 以諸生事公成均及官于閩模範益親我性好直惟公 追念畴昔潜然實涕薄真一觸昭此誠意 止改容數说平生知已如公實希過顯永隔再見無期 代宰執堂祭林樞密文

次年日東台馬

紫齊集

亨屯起公既老倚其經綸有密本兵碩輔雁臣中國 尊四裔可賓甫六問月大故遄臻人望實傾誰不酸辛 讒于鄉嚴限潤濱藝花植竹恬養天真屬時更張拯 出牧小民吏治謁聞如古之循彼何人斯妙我忠純逃 嘉之如獲鳳麟寘諸周行溫温其仁仁固有勇力回萬 矧我同列心跡俱新忽馬像去挽留無因惟有痛哭涕 鉤其在柏臺忠不顧身其在省闥直氣益伸兩絲禁索 泗霑巾公之憂國生死則均正途方闢不可復榛公道 可

白り口人とかい

權臣親雖舅甥公則不阿直道而行權黨曰蘇炙手 吏畏其明民誦其美帝用嘉之耀之庾司周爰咨度民 歲仕已有名剖決從容 絕直準平更歷中外始得一 嗚呼公之此心天日可鑒人不盡知公則無慮公方壯 方明不可復煙追惟此心敢有所遵相期努力慰公之 **換究知乃趙嚴名指日清切誰其問之事復中報公于** 祭提舉趙公文 鶴矢心以陳嗚呼哀哉 壘

炎之日事 公馬

禁痛集

拔曷臻于斯水懷此德其敢忘報屢言公賢曾不少效 熱公深疾之彼乃媒孽折簡要地諷使逐公心尚無瑕 賓幕困躓之蹤賴公橐篇出谷遷為谁實為之匪公獎 喪與得同大化既更公應復起竟以前累棲避故里才 知不淺宣期 非不髙窮達在天夜馬長辭齎志九泉其官于閩充員 此心寓此一卮 天族之英薦紳所推位不配德孰不嗟咨矧惟門牆辱 朝遠隔幽顯欲扮其官身麼于兹侗哉

處足以經遠者又不幸而正進荆榛時論枘鑿戛戛乎 籍天資可謂高矣學問以充之師友以磨之養之以寬 嗚呼人才之難久矣幸而卓榮不羣器能足以任重謀 傑而命之屯乎英明敏達是非立衙宣游所至聲稱籍 其難合則亦終不得以有所展布嗚呼公子何其才之 輔當國推揚甚偉可以奮飛矣時事驟愛卷而懷之棲 洪守之以堅正寧陸沈于下位恥阿世以尚求追夫賢 祭大丞趙公幾道文 智齊集

次を日事を与

遲嚴壑樂道無悶潛心于義理之精微周號予記載之 生プログとで 治博國朝之本末源流中與之經營建立講之尤詳固 屈復伸而公獨不預沈綿兩年竟不起疾嗚呼何其才 也其若病之者何病猶未愈也重以內戴朝方更化久 用禮樂筆削之選亦稍清矣其岩沮之者何沮之未害 傑而命之屯子公之陨領海內所痛別惟姻親痛當 財則衆共之雍雍肅南人無間言善類推輓漸為時 以有為也此志未伸獨以所學施諸閩內勞則身先 卷二十二

實不欺學有根源象山是師維此象山發揮精微毫髮 昔我與公同係會稱道義磨切古人相期惟公東心篤 如何雖然士生于世患乎斯心有愧而己茍無愧心窮 保養之則邪氣不能干天下之公論惟得善人主張之 公精明如在目前薄真一 則邪論不能勝公之存沒所擊匪輕是則可憾馬爾想 **植達死猶生也公復何憾若夫天下之元氣惟得善** 祭郎中詹公子南文 鶴千里寓誠嗚呼哀哉

飲定四事全書

我心之悲曷其已而 名方起胡擿其疵心苟無瑕孰為成虧一疾不起曷止 之充此美質如璋如圭天台之政吏戢民依自列于朝 不差的晰不疑公遊其門累年于兹既疏淪之又培植 (望益歸典司宗祐蘭省有輝出牧大邦仁恩是施貴 入熟箴孰規欲拊其棺職守所糜平生交情寓此 斯吉人云亡孰不嗟咨别我思親踏如損荒喪此良

次定四事全事 嗚呼痛哉 友喪此殭 助國事将如之何吾徒将如之何嗚呼哀哉 如歸高節凛然夫復何憾所可惜者朝家失此真賢朋 者可謂能全其仁矣可謂不負所學矣大義所在視死 嗚呼父母全而生之子全而歸之古之明訓也所謂全 歸者宣獨其形體哉雖殺其身茍得其正即全歸也故 曰志士仁人無求生以害仁有殺身以成仁嗚呼若公 祭通判舒公元質文 智商集

準萬世仰攀高躅謂必可戀操行有常屋漏無愧不求 麟為時嘉瑞自始奮發蜚聲視市經術淵源解采宏麗 退然不於日益磨厲隆師親友刻心刻意思古聖賢標 自慰曾不幾時遠以計至驚呼失聲何以至是喪我良 其 與吾兄金蘭之契餘三十年 義均兄弟聞兄之疾旦 名聲不貪榮利護養良心母敢失墜乎于家人施諸政 友如之何不痛心實涕也嗚呼兄乎天禀之粹如彼鳳 旦懸擊自温還明休息勞動謂沈病之既痊每稍躬而

機見一 能盡力閨門如兄之躬行孝悌子孰能保養名節如兄 次足四年公告 欲往莫逐拇棺慟哭形于夢寐寓哀情于一觞望靈惟 者朋友乏切磨之益而後學失歸依之地也聞兄之喪 事教養作成士賢而藝吏畏其公民懷其惠平生力學 而涕泗鳴呼哀哉 改其終身蹈履純備死生夜且夫復何喟而所可深痛 肝膽忠義子又熟能與世信之如兄之不遭機議乎 一謂福優之方隆俄一朝而川逝嗚呼兄子孰 絮癖集

莫邪之刃利無與俱自參謀于宣幕始漸展于鴻圖泊 義勇于必為見惡果于驅除若大川之決勢其能禦若 嗚呼公子生長名門人品卓如長纔六尺膽大于軀見 之葯病者以蘇推是心于作牧達民情之修舒推是 丞郡于豫章 憫疾疫之毒痛委老窮問為歷勤的人 多り見るる 氣孽强鄰誰敢侮予帝深念其勞勸俾易鎮于南徐俄 于建臺究邦用之盈虚當邊陸之驛縣分間寄于名都 祭豐宅之文

之規模比志莫酬馆馬赦嚴念牽惟分一働經衰病 餘信清敏之裔孫庶乃祖兮無殊嗟我與公肝膽交孚 屢貽我以書尺豁此心之鬱舒 凱復接于海言講濟時 失所倚仗壯士為之長吁生輕財而重義發傾囊分無 次足口事人 維兄資稟端良德字粹夷刻意為學古人自期求師友 躊躇陳薄萬兮一觴表素心之區區嗚呼哀哉 一疾兮不起飛丹旅兮歸數殊數未立真才先祖朝家 祭胡達材文 絮齊集


于四方探聖賢之淵後不違世以立異不同流而說隨 恬澹自守不求聞知此善類所資以磨琢而吾道所賴 必而造化之未易推也項年以來四海師資彫零七幾 以扶持謂降年其有永何一往而莫追信天壽之不可 方茂平生抱負百未一施而處為九泉之歸也自達材 猶有友朋相與發揮孰謂吾達材氣方盛志方為德業 '發朋友痛悼哭過乎悲而予繁于世故病不得問其 死不得無其 尸葬不得臨其穴愧吾顏以忸怩兹行 巻ニャニ

嗚呼昔我先君積善成德燕及後昆團樂之樂萃于 頤平生交情寓此一卮 役之既返始克真于靈惟嗟亡友之永隔滂涕泗以云 康共相期百年三壽作朋云何不淑喪我伯兄惟我 抱攜持賴兄以全親聞辭世終天抱痛猶有兩兄白首 門遭時與虞老稱端奔慶源未竭數口猶存雙親兩兄 與己而五喪亂既平幸且安處嗟我微驅死于棄捐保 欠とり事にないする 祭戴宣義文代先叔人作 絮齊集

哉若人有懷畴昔五人相倚豈謂今者兩人而止定穷 情義相與始終惟均典刑未泯為老不唇自古有死哀 兄色和氣清處已待物一根于誠天屬之愛同氣之 昔我先君與吾叔父曾無問言俱敏于學好是懿德厥 大主天然粹温先君既及每見叔父如親循存教我誨 有本原其學維何洪河長江衆流所奔其德維何拱壁 有期逃顯永隔祖奠一 祭叔父通判文 傷心馬如割嗚呼哀哉

次是四年全年 導其源追念平昔警策轉該永矢弗該無以報德惟當 勉勵不辱吾門斬車首途坐顯永隔有淚如飜嗚呼哀 吉人云亡行路實涕別某弟昆喪我叔父孰開其明孰 我六經百氏靡不討論叔父之賢智愚戚疎谁不敬尊 世克承其家赖有二孫畢力經營蔚其新阡董溪之墳 風月曾不平分位不配德依然長往孰招其魂二子早 明不昏謂當期頤永錫難老福禄便蕃如何不造武陵 典教兩州贊治一邦名徹帝閣年登上壽好古嗜書神 絮癖集

所歆羡视之岩無克儉克勤始終惟一克齊其家井井 長名族左圖右史景仰萬躅來嬪大門蔚有令儀承上 ヨッ 好元宰賴之閨門肅雖乃得專精與起治功君恩日深 門益大人所甚祭不忘敬戒象服魚軒湯沐大都 傑之生必有賢配聲氣相符天作之對待數夫 下德無不宜儷我元宰曲盡婦道相對如實琴瑟静 Ų j 1.1.1.1 、祭魯國夫人文 生



金少口人人 絜齊集卷二十二

欽定四庫全書教育集悉二十四

集部

詳校官庶吉士臣初喬於

主事臣呂雲棟覆勘

校對官中書臣高 總校官編修臣王燕緒 曆録監生臣何照鄰 中

火足四事公告 · 在一個一個一個 SAME SAMES AND 京衛生 之此鑑此心的晰 良友天支之英雄 其明其明維何 袁燮 棋

虚 佐為己强助衆明異之 無體無方有如斯盤應而不藏鑑以塵昏心以欲翳 全其明盍去其累經武折衝厥任匪輕勿貪小 大資無歉古人 名律身惟謹上功必實欺心不前精忠貫日選 鐵揭於斯中涵萬象物自不逃初非鑑 如常兩賢之心 **殺求益不自滿** 惟其罔敬千載凛然猶有生氣惟 如斯鑑光景常新 假陸抗推敵東還樂鄉貌無於色謙 一灰光彌著昔者武侯葵教奉 往 人心至 利 釋條 10 徇 欲

卷二十

於乘隊前藥弗除其欲罔極孰堪制之維汝弓兵猛虎 不念此竭誠報國無或徇私貪求肆虐無或荒嬉酣飲 為汝衣食可不念此為民除惡國用方窘于汝常給可 免亦如農夫稂莠是芝寇盗斯哉善良斯安吾民膏血 在山百獸震驚勇無堅敢謀無遗處如彼獵師靡逸狐 維比江壖控扼之所居安思危可無備禦維彼强校巧 為歌訓迪有衆 丁未之冬營房告成有亭翼然名之曰勸功且

たとり早から

架齊集

光務在和睦母或紛爭營房之居法如軍旅什伍相 營房亦既勞止用集 爾衆緩急有備營房之居義均 其傳自古以大總小先正其身以小承大期於率循 告元勲茂烈發迹孤矢登壇授鉞反觀此身均一丈夫 補博强汝志氣精汝武藝習汝行陳昭汝果毅我聞 築斯亭名曰勸功爾有勤勞是獎是崇爾或有罪吾 既能然我豈不如追勉從事不解險阻風餐露宿 站告汝身則勞民獲安培肝膽忠義神其福汝我 在

金公正屋

白津

たとりをいち 騎求我為虎侶三邊十四將人人奮材武威名被草 任爪牙忠足寄心膂信哉人中傑勲名在王府斯人世 安邊在良將至矣晁生語邊疆無良臣胡能固吾圍孰 不乏感會待明主藝祖英春黃一 為國之良四德貴兼取智能制勍敵仁能與軍旅勇足 汝貸類扑斥逐其恥為大凡爾有衆各敬爾德習此歌 詩持循罔失 安邊 熱衛集 剱定區字情彼敬人

府庫有餘蓄捐棄如糞土搞賞飲牛酒號雄率鼓舞貪 許進也治居第既无覆其字有司每堅執視進等兒女 寒暑漢超守關南販鬻如巨賈法令安有此優詔持聽 得容與等級忘尊卑親愛均肺腑久戍二十載近亦十 帛豐賜予機要時面陳延見虚當宁天顏對咫尺殿 折衝自樽組當年罷遇隆喻等其為伍關市檀征權 夫冒絕險敢情畢親超陰謀數侵犯先事嚴備架 不多勇悍莫子侮攻伐雖不聞威德自尚普乃知安

金与正母台書

兹事掩前古方今雖治平徹桑未除雨和好寧可恃人 火足四年 日馬 論學會當略細背好使畏網器深宏植本根周密固牖 周與魯多士今如林錯薪刈其楚勿由權要門要以公 材要多貯古來最爾國拔十且得五蜀有關及張吳用 疆策保境功最鉅漢高豈不偉平城亦良苦卑詞結和 方田過敵騎塘樂深險阻當其建策初厚議亦交沮皇 戸恩紫有感激施設無齟齬聞告淳化中有臣曰承矩 親金總奉騎房何如我宋與主聖草龍輔北人先屈膝 絜衛集

時憂世士才學窮根源亦有濟時策無因通帝閣公居 鳴玉青瑣閱揮毫紫微垣仰參鸞妈組俯視燕雀喧異 時視我開基祖 要經久廢闕要約補器械要習熟人民要生聚委任果 心斷不惑邊城远按堵往事可為則明時豈無處規模 清切班日對龍顏温嘉會千一遇論思母憚煩 不疑說言敢輕吐守衛果得人成功要有敘孰為當今 上中書陳舍人三首

賢士未達時懷實混塵境得志行所為澤民效伊尹常 重明農宸極萬國熙王春翹首望徳政從今斯一新當 王佐才宇宙歸經編期公繼前作百世稱偉人 年羽翼客休眠一體均致主欲堯舜規模戒因循古來 到京國聞望傾萬夫願言益進德名與天壤俱 各豈不欲名或復難居所以古君子謹終如厥初自公 士方負材業高價敵璠與一 與范總幹 朝聲稱減碌碌盆益如貴

大乙の巨人

架齊集

灼干品貽我喜雨篇仁心極終較源流自介庵句法深 金がらいるといる 凛凛憂饑饉今歲雨意怪齊心罄三請甘澤幸滂沱良 以穩擾撥淫蛙中聞此古歌詠我無為霖乎丹閥何由 田稍膏潤雜種亦復熟窮問庶安枕亭平富詞學春華 深納溝念疾苦勤訪問所期培殖豐肯說裁決敏所以 邊宣布寬大令收養乃其職此事無窮盡孳孳無凋察 追攀是心先戒謹日憐老鈍資不敢汙蘭省揭來楚 襲黃華仁聲達幽隱是時民氣樂魚躍快於物高獨欲 卷二十三

節不高任重憂力辱公家太史氏閱世多險艱無心美 尊顯名塞穹壤問尚書續正脈清泉寫潺潺操修不敢 怠粹美無可删垂垂躡政途念念思江山上欲養絕頂 求既得志巧計仍朋姦誰知國士胸取舍超人寰不憂 觐兀坐哦君詩字字堪企敬 軒裳本外物輕重非所關俗子不識真貧榮强隣攀尚 下欲臨碧灣勇退得所願喜見冰雪顏是中有真趣景 送黄畴岩尚書

火足の事私馬

架務集

符竹剖千里休戚繫一方田里息愁嘆民安由吏良方 班九重念者德証許長清閒强敵未殄滅罷旺正恫 與蠻美官非我 願寧復憐絲鬟卻須富篇什麗錦 隨荒管家聲遊復振舊觀欣重還平生萬事足只欠素 班天所怪一朝歸領略拔萃玉筍班宣若 嗜進徒終身 今重兹選俾近天子光臨遣重丁寧放察何精詳吾兄 如建大厦運斧無輸般願公勉加餐暫歸隨賜環 寄武岡使君表兄 爭欄

金公正屋

弊實盡傷但能澄其源府庫有餘藏無告深可憫盼盼 速郡子今為邊防帝曰惟汝詣專城賴紀網吾兄勤布 富才業敏銳鋒莫當論事切時務王音屢聚揚都梁雖 剛宜以寬治之馴擾孩與强用法人因畏中心要易忘 宣德意達窮鄉朝夕念此民為處我不遑世方急催科 将流亡根本不該惜忍以斤斧战吾光獨反是屬邑賴 小康願言堅此志益使仁風翔此那介荆蠻其俗氣禀 下令嚴秋霜罷癃因鞭笞男女失耕桑財貨追不足 衆

火に四年七号

架齊集

空激却每懷齊川志自愧非艅雅吾兄捨我去獨首遙 陷亦既人濟濟觀趨蹌儒風果大振鄒魯相頡頑為政 堋 **積栗乃金湯郡事無不宜休譽寝以彰吾君不忘遠大** 綏常若赴敵場軍 無事武備弛不張干戈朽且鈍卒伍驕而在教習不 有先務本因末乃呂規模欲傳後計處宜深長天下 十步有茂草多士詠思皇況有賢師儒徳行侔珪璋 燭無疆承宣有如此促名歸周行嗟予寡所合幽 陣日修明姦完敢陸梁塞下憂空虚

文で四事を与 量相期配古人豈徒出尋常努力進此道千古種芬芳 田窮撫摩仗循良應萬豈不熱鳳鳥乃嘉祥生財固有 道山華玉府密通日月光竟與塵世隔忧如白雲鄉李 罔俾循吏傅專美龔與黃 相望我懷不能已作詩述肺腸後塵裨高山可笑不自 東直筆省戸推望郎高情處勇退遠業真難量黎庶多 侯好古士來自天一方義冠英俊林掉鞅翰墨場著庭 送李嗚鳳使君 祭齊集

多ジログ 憶者議和日權門機 道視民當如傷寧乏强敏稱母令本根找仁聖子萬 首觀萬翔 通退如一 復爾禁利不可干去去展壮圖士友拭目看 根私學為卷胸中婚清規照水王健筆翻波瀾官游 都衣冠地振羽良獨難美材副時須步武隨鴻鸞 送李左戴三首 堂野牧著聲鏡重書随褒揚我歸伏茅荆翹 弃深平居自好者亦或喪其心

歲寒姿肯受霜重侵願言繼前作冠晃英俊林 畏作别握手如隱憂尺素煩警策慰我思悠悠 **哉人中傑獨立山萬尋佐時豈不欲枉己非所飲蔚然** 懷略單行倾益均交游許麼清絕句每嘆風雅傳中年 侯亦眉人源委故深長少日隨游官中年擅詞場笑該 岷蜀古多士聲名爭頡頑近代推三無套發眉之陽君 人生贵得反勝已我所求投尋窮怪珍逢此荆山璆虛 送治中楊司直

及足四年全等 一

祭衛身

金グログノニー 色天下劇赞府須賢能才刃肯當試心源先自澄古來 此好固難忘流俗久頹散帳也馬得剛期君想遠業志 **勇退萬里還故鄉名那赞佳政海沂還復康無計留君** 极高科步武縣尚行蟠胸富籌策振羽方朝翔 磻溪有君子玉壺貯寒冰一朝辭舊隱去為畿邑丞畿 行臨分徒自傷我亦歸舊隱後會殊渺茫小兒獲同升 氣常坚殭 送姜子謙丞於潛 冬二十三 朝遽

た己の事を告! 矣蜚聲稱吾民人憔悴徳政先哀於寧書致下下莫忘 飛騰久要忽語别慘戚不自勝我無錦繡段何以贈良 心兢兢俯仰無愧作正直神所憑相期志遠大可但觀 得善勤服膺筌蹄寧復顧堂與從今升時哉佐裁決行 碌碌泰華高岐增君侯資敏達而以古自繩嗜書殆成 癖然載雞窗燈詞場買餘勇先取發孤登成功不自伐 中傑進德如川增規模百年後感慨中夜與終焉 言布心腹舊贯古所仍 然衛集

家富才傑海內仰名族豈徒衣冠或要使操履駕避來 重公巴尼 益光華君其繼高爾 古人重世家非為世其禄世禄非不朽風流要相續君 吾鄉多賢士我友更偉奇見之立哀懦不見令人思暫 别已作惡況乃三歲쌿躊躇西郊外此意誰能知刚強 不可恃柔弱難自恃願君日進德古人以為期 **科職最親民亦足行所學吾民当安枕微官有餘樂當** 送樓权韶尉東陽三首

たころう こう 後學寡師承私知妄字鑿緬懷東菜公天才負起卓 來磊落士處世多遭追對越我無歉幽居志常伸豐城 復其初治行乃超卓 聞長老言人性原不惡迷塗偶忘返見善寧不作君能 有利劔紫氣干星辰終然不 埋沒龍化延平津 窮途分愚賢是非少復真主璧委道側輪困為國珍由 榮星斗偉量包海嶽寬平復謹嚴精密更贩廓哀哉 送路德章书三首 祭衛集

金分四届全書 謝公中年後畏與親友別歲月苦不長交情固 得仁賢欲為經遠謀男兒處斯世器業追前修努力建 我大江濱面別挽莫留問子将何之長淮理扁舟主 賢哉子路子徳性兼剛柔險難極變態志節栗高秋 碩畫勿貽師門羞 朽與道為邪郭 **水推註數繼前作幸有二三友潛心味博約相期** 送趙大治晦之 港ニナミ 難報 在 訪

身保此端以潔君今宰壯縣便道理舟稱不騎京國 松日志操已超越度莹欲推薦風之使來謁恥於呈 遇我厚肝膽每傾竭惓倦念斯時言論多激烈憶君哦 於桑榆景撫事心欲折 精絕莫言一邑小振作在賢傑士氣的奮揚威聲必震 惠思周浹姦欺巧蒙蔽精神要昭徹鄰境猶經縣武 不改成寒節升沈分自定義理我所說黎旺久困窮恩 不可關弓兵監保甲問習貴嚴切懸賞勸之射人人 朝舍我去遂恐成永缺感君 鯨 其

文已日戶八字

禁衛其

疊自憐老且病羨君健而決老病保餘生健決廣賢業 延晨鐘经然威予心年來因多事力弱不自任叢書未 事不掛角須臾惜光陰五夜常自起簡牘勤披尋清 平生無所審耽玩惟古今以我淺随賢期於江海深 賢以為法今古同 自期素不淺有志終烽燈日誦論孟書端如明 再朝面偉論起衰怯 贈將德言昆仲三首 轍 便郵頻寄音解我寸心 結 鑑 他年 揭 萬 聖 風

金艺正居白意

とこう 委吏勤勤魯中叟吾心不可昧豈問人知否此意當與 我生亦何幸佳友在鄰墙道義共講貫心親形迹忘通 道方荆榛營利不絕口我欲挽衰俗每每掣其肘仕 誰寄我二三友 平生寡所諧疎拙以自守天鍾鑿构性人棄我獨取 **暇讀塵埃積中襟何當脫鞅絆歸敷松竹林** 忽間 假途何用醫國手再拜謝海言古人貴不苟東田 問千里遙相望為別似未久炎赫變飛霜歲月 たたっ 架衛集 爽 世 版

易因循志士宜自強良心虞放逸古人嚴範防及此 然貴於物萬善無不備殿初本高明有過則昏蔽但能 連日雨滂沱問閻應甚苦慨念樂隐翁蕭然坐環堵 服日書林擬其芳他年恢遠業雲路觀騰驟 兒何所急為學要立志此志尚堅殭天下無難事 贈游宣教 贈吳氏 甥二首 寒乃如許請君姑置之對婦酌芳酥 衎

金牙四周至是

火足四年私与一 如川至 農夫力耕耘歲功必倍收吾儒用心苦學業亦有私聖 事長貴子弟是為立身本奉承無失墜門户久東頹盖 其遇金玉等精粹改過贵乎勇不勇真自棄有遇如坑 賢有遭到好古敏以求幸編至三絕發憤窮深幽寢食 作與起計是心通神明勿使形骸累持之久而純百:福 穿改過如平地平地可安行坑穿宜急避事親貴乎孝 改其過輝光照無際厥初本篤實有過則虛偽但能改 * 齊集

望爾為天球勿云年尚幼歲月如川流及今不加難壮 舉世憚炎赫當暑思高秋秋高豈不好蕭瑟令人愁何 大徒包羞輕壁惜寸陰前哲勤進修勉爾務謹重戒爾 子不服為身謀雜然萬馬奉望爾為聯鰡翕如衆樂奏 不足詎可思悠悠而母早孀居其窮未易瘳殷勤撫 俱相忘此志何時休别今後生華未脱童丱傳刻苦猶 無輕浮人百己千之庶解而母憂 夏日早起

如三伏中五夜風飕飕遥空淡月落将且羣陰收卻嫌 締絡薄轉覺林塘幽出門任所適清與耳目謀借問塵

枕上有感呈吕子約

埃人知此佳致不 俗學淺無源澗谷纔咫尺志士務廣深滄洱渺難測俗 作吏書几塵土積志士雖治官奉書玩無数廢書

亡羊孰為失與得古人有大端後學宜取則有餘不 固俗子既俗又奚責啥書尚不已無乃曠厥職臧穀均

欠日の事という

京衛集

徳有君子逸氣難拘繁平生憂世心如彼校焚急揭 多分正五八十 席未温冥鴻去何適勘君且淹留斯民待安解小試 寒松飽霜雪冉冉翠光濕萬物因波流砥柱獨中立 盡不足在所益努力求至當母蹈 余學無窮勺水淺可楊講習得益友麗澤期交相風月 顽夫禪作窟在士醉為鄉誰知名教中悠悠滋味長嗟 國手腠理猶可及 和吕子約霸月有感二首 编失

去冬雪意怪稍稍嚴三白飛霙繞到地轉盼已消 大八日三八十二 宣不仁拙政難感格何時愜人意四顧苦無策東林惠 吾懷始信居中央 古猶今時序燠與凉一笑聊復爾片心到義皇乾坤 佳句似慶平地尺見戲唯何甚余方自刻賣東林達余 懷大有年兆見瓊玉積今茲者難期春信亦已迫天公 心精禱與有獲沈水煙未收冰花已如席皓皓埋羣 喜雪謝東林 架齊集 釋 緬

老記時告幾年無此瑞驚喜欲折展皆云窮嚴中得 霏霏連數夕郊原送畔岸徑略失分畫兒童見未 曾書 宿麥數聲沸問里和氣獨属疫老守差自慰足寄孤危 夜光壁莫言不堅牢究竟多利益端能珍遺蝗亦復 嵒如高人氣骨天所賦 稟然超塵寰不受俗氣 污湖 小己不足道吾民幸安宅作詩謝東林至誠動 遊寶方山 每往往 窮僻處城 郭去之遠 誰能 躡芒 展安知 金石

金牙四周全書

卷二十三

とれつる 見から 遂呈露全畫賣精舍鬼神昔呵護古稱小有天仇池 氣知有聚所見皆可人十步目九萬造物不能秘奇詭 中道本宏裕疊翠常回環寒泉日傾注石乳一 洞列天巧於此覷蜿蜒老螭蟠嶄碧怒虎踞如屏亦 (附角東有勝境豁然四總具玲瓏皆自然匪以 一都深爽追有真趣徜徉東郊外青山在指顧山中 誰 起復 謂實方小是亦 仆卷阿坐良稳狹徑足難措旁觀若險 洞天數誰謂此邦陋有景即可 京齊集 何粲 雕 鐫 73

龍會為 玩有餘味躋攀了不怖得意或忘歸蒼然迫曛暮茲 我本煙波徒 懷愧乏驚人句 深省成月勿虚度俗態易湮沒清遊莫辭屢援筆述 雖可樂用之乃成路有徑不能用茅塞大可 **險而怪峽水清且為伊誰剪蒙密發此奇偉** 峽 永 激烈不可干蜿蜒激鳴玉千古甘以寒誰 雅性厭欺為搜尋得所欲心境頓明悟 懼對 业 鄙 賞 山 两

金万

四屋といる

-+ =

虽扉窄亦復氣泰寬我生置塵中區區縛微官一見ぬ 心目古井生波瀾同遊二三子清賞有餘歡雖非暮春 日便作舞雩看

含清亭

執役者努力無遲遲果然霰先集六出爭效奇續紛 累石為層峯而以水環之所貴起俗累瀟灑含幽姿卻 虞躬嚴中四顧陰雲垂飛霙冷徹骨智巧無所施督彼

欠己司巨公馬 ~ 晝夜朝刻非人為豐登自此兆疫寫寧復滋明朝便晴 絮新集

金足正居台潭 坐 朗工作無愆期二事古難全今也都不虧天公念下土 自 無瑕疵此樂未易得天意扶吾哀宿悉不再作康寧當 所欲皆相隨我山既數岑我治仍連将頻遊不知倦清 生 堪忘饑追懷舞雩風童冠俱怡怡豈徒耳目玩要是 求至道毫髮無差別偉哉平常心光明配日月 玆 題庸齊 世間當為 世傑瑣瑣混常流有愧古明哲努 苯

欠てり見いたす **踐嚴度程容貌必齊莊坐立無倚傾視聽一於禮言** 毫釐當細評莫將朱奪紫無使渭濁涇根源見端的履 都何啻廷與楹愚夫墮惡習自蹈谷與抗善惡分舜跖 子學吾道深而宏欲窮聖賢城精微故難明聖賢與愚 兒始匍匐智之能自行南人初學沒習慣如履平承蜩 寓形宇宙問所至習乃成事以習故熟藝以習故精嬰 有餘巧解牛新發碩是皆習熟故見者為之驚別惟君 題習齊 架衛集

滄溪經徳豈干禄為善非近名方其學習初是非交戰 五分四月五十 淺薄役于蕞爾形主宰未統一氣血時縱橫歲月不我 爭見義勇必為有過時自抨造火必致察思慮防始前 惡念痛掃除用力如用兵善端謹護持保已如保城新 與循省敢選寧以習名其齊為我座右銘 寡悔尤處困心亦亨誰知人寰中有此天爵樂嗟子資 功生者熟舊習熟處生一心湛不撓四體明且清平居 紀子誠百行孝為本戰戰如奉盈操行潔水玉字量涵 巻二十三

灰巴印度 台馬 春撷靈芽妙手截玄玉形模正而方氣韻清不俗故 佳岩世所珍聲名競馳逐建溪拔其萃餘品皆臣僕先 用更神速莫辭風采凜要使班列肅一 精神驚滿腹此物雪昏滯敏妙如破竹誰知霜臺傑功 之腴清冷肺肝沃精新味多得烹吸不忍獨磊落分貢 比君子可敬不可辱御史萬夫特刚腸憎軟熟味此道 包殷勤寄心曲斯時屬徂暑低頭困煩溽一 謝吳察院惠建茶 照為其 朝奮孤忠萬代 **甌淪花乳**

良馬苦羈馬巨魚畏網罟神龍獨起軼威錢莫能禦 仰髙躅 金万四届台書 題豢龍圖 卷二十三 嘘

豢龍氏押玩等兒女巍然受其朝勁氣金石且龍分丧 為寒空雲散作無邊雨能出復能明可敬不可侮如 **魄聽命無敢拒刻復察秋毫洞見龍肺腑飲食不强** 何

拘牵乃如許人生天地間良心實為主利怒汨其真甘

致嗜好隨所取日日飽甘滋馴伏固其所誰謂有餘

知

大き四年と 耀浪千級一 其子勉以徳業崇我作朝經圖一 魚品不勝多而鯉為之宗曷為此獨貴無乃能為龍 **圭與組於我如浮雲服膺聖師語吾家素風在辛苦立** 與俗子伍胡不鑒此圖保養虚明府道義有真樂不羨 點額華不敢攀高蹤維人亦如是拔萃斯為雄聖師 門戶勇決早抽身從我涉幽圃 題朝鯉圖 虚雲萬重變化須更問神妙無終窮其 架衛集 鯉居其中衆鯉競 Ī 他

金江正屋白書 積雨推愛此晴日與施粉聊自喜奪朱巧爭雄於熒 之若效臣子恭巨無獨不朝悍然欲爭鋒可憐汝無 **能解明色巧笑雙頰豐或作掩抑態接舉差且慵憂彼** 鳳仙窈窕姿階前為誰容淺深十八本形貌紛不同或 老無成功時時展此卷著鞭期變通 不換資凡庸一生只為魚鯉豈汝可同我亦不如鯉年 鳳仙花 如無惊妍姓孰與分我欲為青銅西子信妹 各二十三 生分美惡異路生西東如何暗且为並彼昌而丰剪伐 **懷强分清白眼力辨雌雄風物情固參差宇宙要擴充** 終窮化工大鑑講一一歸陶容而君獨獨心不少垂將 問不工胡為妄憎愛襟度殊未洪君看宇宙問物象無 是紫與紅何贵復何賤有淡還有濃氣類豈相絕塗澤 惡者加益崇花神夜見夢君何太悤鬼正復容顏殊等 羅無鹽敢希蹤並育亦已難我欲為老農美者倍豊殖 笑調花神遙爾何额蒙品彙豈無别畛域固有封有

欠にり時代は

絮衛集

金いでん 花神聞是語疎聽鞠爾躬再拜謝語言堅壘不敢攻 秋 邪 剪瑙璃被以實瓔絡英英妙點級細細疑紛錯 官取裁培本無功形聲及影響天然巧相從 栗中十里香喷磚自便金氣夾不赴東皇約黄裳 狡 雨洗殘暑秋空渺寥蘇秋清入花骨風致殊灑落 者漢 用舍婦至公不聞堪與猛下比類與官業 應 桂花上侯使君 !!: ここで 是堪 馬猛 宫同 今時 正亦 無 包含貴周編能否難 ĮÞ 誰 複原 知 何 前本

久己日臣上 風驅急雨滂沱三日霖釋龍不許墊後起騰深林逸徑 去年種蒼玉今歲抽華簪初前節已具欲奮力未任雷 芳菲兩相若 勞相對空索寞風流賢使召襟懷富丘壑敬為使君壽 中正無心羨丹發我欲縱幽賞村醪不堪酌攀折不 超軼生來氣駸駸偉哉歲寒種有此特達心大勇久 初散戢穿籬俄森森吾觀植物性淅長歲月深此君 咏竹二首 然病集 獨

金がでた 之三伏中爽氣高秋横數竿亦已好況此繁陰成中 作進尺退復尋對此發幽與作詩因自箴 語而有清越聲入耳久亦佳此意不可名 相 洞無物節 野性與俗違澹然都無營總前水蒼玉未能獨忘情 合人心原自明僻居寡朋俸命汝為友生雖無切磋 林碧琅玕直節空其中截為小曲几貫以青絲總自 竹儿 勁老更清霜雪自凌属柯葉長數樂物意有 對

莫輕毀此物便老翁 薰與沐神全明自生勿忘勿助長此理真至精 如閉目坐湛然萬處清非治非不治無思亦無營不勞 然光瑩質不費縣漆工偃仰隱背穩提挈繞指從兒曹 人生惡白髭鑷去恨不速欲留少年容藻飾欺盲俗欺 年年苦目贵過午此不明治之昏轉甚不治無由平 何 白髭 病目

大王田野人

然 衛 朱

Ś

心由立身楊令名此罪僕可贖旦旦鑑白髭進進母自 在多欲芟夷縊崇之庶使茂嘉穀每懷風木感悲痛 以警錄錄勇奮千里驥懈怠轅下朔人生百種病聚 進德豈不足忽將六尺軀終身甘退縮白髭謹勿摘留 老事業未絲栗蒲柳不禁私撫己堪慟哭成功固有分 不住為景暗相促古人少牡時耳目萬夫囑今我忽己 人實自欺舉世迷不復黃葉順秋風明年會重綠髭白 不再黑白白長相續光陰駒過隙轉盼黄梁熟青春 挽

たこり事という 人生行已良獨難盡夜营營昏利您欲為全徳古君子 彼雖蒙蔽不自知察人過差窮隱伏聖人間域未易到 莫桑忠規甘諂曲忠規未必皆我友言是人非亦可錄 責我謂我追退獨觀察待我最深厚我聽其言當佩服 足使國珍充盤匱磨襲砥碼功日新主壁琛璜光可燭 他山之石能攻玉詩人此意宜三復莫嫌山骨太堅峭 他山之石 京商作

單于駭嘆苦未想甘心保塞為藩臣從來敗德由女美 金分に屋といる 嗟予未免世俗病每讀古書知不足今朝偶誦攻玉 要令忠告來相續今我各怠不自強逆耳闊練親軟熟 昭君天賦傾城色何事君王未曾識徘徊顧影無計 端知民樂苦難堪已我沈府功甚速古人聞過每欣喜 朝遠嫁匈奴國匈奴風日暗飛塵昭君絕難驚國 此聞善三薰沐 船君祠 留 詩

设定四事全書 慷慨懷歸曾上書君王有話從胡俗慟哭薄命終穹 能為君王罄忠益聞說昭君出塞初朔風蕭飆吹衣裾 毛生善畫古無有强把丹青倒妍醜都教尤物擴絕域 相半終不容 自古佳人多命薄亦如才士多流落人才有益尚疏外 褒妇驪姬及西子玉 環飛燕更絕佳遺臭干載堪咨嗟 聊將琵琶寄離恨痛絕玉顏嬪老胡老胡死矣義當返 無補何可懟君不見蕭生堪猛豈不忠君王疑信 素庸集 1

朱公胸次清絕塵吴公當日心相親風流蘊藉接前董 只令吴公德彌易始信磨孽成偉器古人心廣體亦胖 寥寥斯世能幾入達觀名齊深有意欲把前修相聲属 彼我胡為分賤貴達觀主人心地明分符替幕無虧心 紛紛世俗争豪端已私未克欲求通窺見一二皆童劇 每言此身非我有年来直母非死生白髮紅顏難老熊 人大觀觀底事天地為物原不貳癢疴疾痛皆吾身 題吴参議達觀齊 滕喜嘉祥重婆娑鄖山妝點千嚴白全勝輕花飄細麥 綠總怯寒學翠娥窮儒忍凍不能歌何如制聞賢師 須索詩家為明辨香風天上亦飛花較之窮臘功猶淺 福禄方隆殊未艾願君善保千金軀歸鄭紫宸鏘劒佩 了然不是堅牢玉緬懷有感熱公詩誰知潤澤工夫遠 仙翁洞照無生減既積既消還復飛且飛且積俄又非 人情誰不愛飛雪職中再見尤奇絕對雪吟哦色即空 和傅太卿喜雪

火モの車と

絮衛係

多分に屋石書 羡君仙隱占龍山爱君風度超人寒手移仙葩第 瓊枝更許諸郎攀我亦生來有花癖每逢絕艷 氣和之應非偶然善政端由老邪伯 花如在月宫裏誰道人境非天關微骨濃薰真酷 說名園富奇麗芬芳次第如循環丹心自與君子合 列竹籬松徑間秋來月色轉清好秋半花蕊方斓班 人住態原幽閒雖復施朱未嫌赤定知鄰女難同班 林寺丞許惠桂花 卷二十三 口口口

次全四事全等 游女敢自同宫妃我家角東華問的勝事屢入縣人 姑射山中冰雪姿凛然標格欺寒威一 柔清更喜香浮肌天工著意破炎毒故遣佳實生繁滋 倒中有美信妹題衣被五色光參差炭煌已訝色奪目 旨哉悦口衆所塔豈聞來去分抬麾其他所産亦有取 知君百金重然諾和根遣送應不慳 人起敬如實尸仙風道骨令何有船顏豐賴跨絕奇 和李左藏離支 絮 衛集 經蒙莊品題後

此志不展常低垂輕紅職白不易得西風每起華鱸思 吾曹齊嚅當及時揮毫該物聊復爾相待莫負平生 忽蒙傑句警偷橋 賓朋恣食水晶賴殘膏騰馥霑羣紀年來更役困奔走 圖煤所在生致之始知河豚與江柱詩人取譬聊清糖 有時根拔信宿至風枝露葉殊未哀雜然紅綠間陳紫 尉風流贵公子結交海内知名士磨舊禁鬱縣侈習 部吡俊使君惠畫 洗塵處忘渴飢此中滋味甚不薄

大江日本山地 元氣淋漓鬼神法山中喬木堪棟梁山外煙波凝翠光 自憐老大無他求塵勞羈絆空悠悠安得千嚴萬壑裡 想像都尉圖中趣豈期今日見逼真端與前輩同機杼 數問野店傍林樾一葉扁舟浮淼茫往時只誦蕪公句 此畫如今寧復有我来薄宦大江濱無價之珍俄入手 老仙一顧歎奇絕落筆妙語春華數此詩干載傅不朽 雅意登山與臨水十幅煙江疊嶂圖當時展玩忘朝脯 山雄特倚天立下視羣拳如拱掛斷崖飛出王虬龍 緊衛集

毗陵使君真可人嘉惠不啻千金直平生解受關鑰嚴 院花溪上繁於顧畴告聞名未識面對之頓解憂心結 海索自是花中傑西蜀此花尤勝絕濯錦江邊艶欲然 雨過啼妝更鮮潔格高不受塵點污韻勝須那香酷 東皇著意欲開時不許芳心輕漏洩風前醉態真嫣娟 兹焉詎敢傷於廉吡陵萬口皆歸重道義相與吾何嫌 尋此擇勝逍遙游我心欲往足無力縱觀此畫如親 蜀海棠 歴

金万里点

たこりをという 要與邦家立基址堂堂碩望聳中外耿耿丹心貫終始 孝皇龍飛策多士宗英第一天颜喜力言萬事實為原 海内人人項清節世間珍玩一物無獨比妖燒費提絜 願公持此坐廟堂天下妍始要區別 未害廣平心似鐵幾年隔絕劒閣外拔耀狐忠自明哲 辉問堂下不勝春賴賴丹唇儀成列嫣然尤物不移人 東南顏色豈不佳甲乙品題終少劣我公胸次秋水些 税丞相忠定公 繁齊集 手

帝謂忠勞無與並爰立作相專魁柄大開公道延時聲 紹熙之末天步報忠臣義士肝膽寒元極扶日上黃道 相與同心究民病區分玉石殊薰猶賢人得志檢 不堪任雲巧如月何意積羽能沈舟意 白黑誅鋤元惡氛翳掃昭揭殊敷鼎彝勒由來物理 續與懷安清恩難酬皇情愴然思舊德辨証雪誇分 顧宗社磐石安億萬生靈疑處釋轉移愁嘆為於 正衡陽道上霜松勁日色慘澹風飕飕行路咨嗟淚 雨積 今羽 據原 記誤 惟 憂

金万正石人

蒼昊中與趙季二人傑亦復身後發忠純嗟爾讒夫 忠烈因為人間息邪說 必伸況此柱石真偉人萊公獲譴死海上至今勲績摩 有極蚤知此事悔難追當年記敢懷姦欺我作此詩慰 無識徒把巧言污頑徳正人推折不妨樂爾華羞愧寧

大足四年八十二

* 商集

	 	 	 	 2
聚齊集卷二十三				すがにかん
ニナミ				/
				巻二十三

大八日奉人 欽定四庫全書 滔原不竭漠漠却無聲便欲乘槎去臨風武濯纓 浮天傅自告萬古一澄清月耿光循爛風號勢欲傾滔 絜齊集卷二十四 近體詩 渡江 送樓尚書赴詔 聖衛生 宋 袁燮 撰

要使吾身定廣居告老未能三聞月趣歸己奉十行書 **燕賜韶釣出教坊父子同登尤焯煜詩騷為貺轉鏗鏘** 幾載英名未一鄉今年仙籍始浮香思隆雲漢頑震翰 聽履解祭反舊廬高堂與坐每申如肯隨流俗趨邪 生平心事渺無涯老去情惊豈復嘉便合扁舟歸故隱 願公努力扶皇極展盡胸中萬卷餘 願言努力酬天造勉使吾君冠百王 和孫吉父登第二首 徑

金打正屋自言

ニナ四

名での時人はあり 珍重主人貪好景邀賓欖秀俯林端 獲蟾喬岳峙江干雌雄並立排鋒刃紫翠相紫繡脫擊 名利那須較有無登臨樂處即吾廬與濃不覺朔風勁 西川劒閣偉岡巒雖復峥嵘苦未寬豈意危欄臨楚望 尋小國種幽花癡兒僥倖居前列樸學流傳本故家 不宜貪顯宦更煩師友護蘭芽 倚天閣 和治中雪後

然齊集

景好貪看情雪餘竟日送青好座客先春解凍躍潛魚 便看六出縣漫空緘藏擊獸安林下約東遺蝗入地中 由來職雪北年豐新歲還應與職同可喜三陽纔應律 與君不但分風月水色山光總一如 照曜俄添老眼明玉不堅牢終可贵花非剪刻自然成 **散战隆冬水不冰鈴齊誰與破愁城績紛忽作纖腰舞** 積至尺餘猶未已始知嘉政與天通 大雪與俞少卿二省

灰足四華全替 ! 鱼為蒼生決此 行 才高不肯混泥塗 阡陌周旋約己成故圍總合更渝盟宴安有毒君休戀 風梳雨沐厭馳驅我馬虺隤我僕痛惟有風流髯主簿 大田來歲應多稼看取倉箱處處盈 寄陳伯耕二首 至以詩督之 時郊外縣濟邀伯耕同之偶攝秋官過時 然齊集

吾儒根本在修身恬淡無為樂性真此性本無塵可 當年罵城真忠激今日藏身似隱淪抱負如君豈無用 修省工夫未易量 去塵猶是未離塵 會看膏澤潤斯民 浮世塵勞墮渺茫真儒器業要韜藏誰知寂寞空山裏 贈毛希元二首 贈史坑冶二首

大とり与しなる 無味之中味最長東湖居士獨先當通知此樂真良樂 但有纖毫俱是塵 何必求他时後方 乞取刀圭救病身韓公于此枉天真何如夜坐忘躯殼 願試胸中却敵方 公子詞鋒莫敢當更兼世故飽更當區區殘寇猶侵侮 贈陸伯微三首 再用前韻二首 禁衛其

金石正屋白電 幸挽滄浪為濯纓 勝士由來挽不前肯臨高與復翩然浮雲可觸真天馬 妙年志氣已超然不肯隨羣当目前才美驟為當世用 願為吾君致此身 自古真才多命薄欣聞同志不長貧堪嗟世道令如許 斗大書齊以絜名冰壺表裏要清明如今塵土填胸臆 應笑駕點走市塵 贈京尹八首

飲定四華全書 ▼ 惟當努力罄忠誠 奏課當為第一人 儒學當年究指歸服勞王事不言疲逸知今日張京尹 禪壓工夫妙入神能令晉盜總奔秦盤根錯節游餘刃 青雲直上躡天躔 吾徒切己無他事萬善根源一片心外若崢嶸中有愧 年幾六十己為卿際會明時蚤顯榮禄厚恩深何以報 不暇閨房畫婦眉

架齊集

1

美名畸告藹循良重任今茲典浩穣聾若蒼鷹非不 要使胸中 前古哲人端可法遗编超躅尚堪尋公餘莫厭頻繙 男兒如此是真剛 ,醫醫國豈無方諡論扶持弱必强此若中 如隱鳳效嘉祥 麋鹿强冠棋 廣且深 大倫、 卷二十四 首 流為砥柱 閱

推敲一 文での事とき 肯隨流俗慕紛華閉戸觀書遍五車器業要為當世用 故國由來重世臣芬芳聚葉鎮如新中與第一 等間援筆賦新篇句法新奇思涌泉絕勝唐人作詩 直須渟蓄渺無涯 **幾年慣踏軟紅塵終日眉横氣不伸每到山齊聞好語** - 举如君信有 、胸臆便生春 字强雕鶴 緊衛集 3 功臣裔

思君風度心如結何日從容选獻酬凉入郊墟能過我 作詩真欲挽君留蜀道平寧倚運籌他日功名成遂後 奉陪童育两山游兵出五在都縣東 未能推挽上亨衡 猶能枉 顧絜翁不 與懷畴告若為情 年幾五十無知已乘與將為劒閣行從此與君尤隔絕 剧談時事言皆驗籌略知非小丈夫獨恨人殺言不致 次定四年全書 · 何能復有兩篇詩空散喜只有誠齊兩 聊将兩絕當留題 新詩的皪綴明璣道行清通照碧溪塵絆無因到蘭若 却費圓通幾首詩 浮世營營只自私誰參落葉與枯枝西來面壁原無語 生樸批本無奇珍重高人不我遺自顧原無一 贈天童監寺 圓通禪老韻三首 繁确集 大衆 首詩 滴水

道人怪我年如許宿债胡為未盡償寧識吾心烈於 得歸林下便清涼 **私緣唐許是前身** 道 風簸雨濕郊原春水云云復舊痕寂寞道傍堪歎處 福閱世間人体谷先知若有神多少雄好歸藻鑑 贈卜道人二首 郊外即事七首 ノニー 卷

久己の時 とはあ **幾處汪汪成巨浸傳聞皆日盡良田與除利害寧無策** 忍把膏腴久棄捐 何當環繞百千迴 清香忽向暗中來應為梅花取次開愛汝風標真絕俗 雨聲初斷落雲横天意欲晴猶未晴好向長空施巨手 與懷舊隱思凄然 舟中無事閱陳編千古髙風挹聖賢奔走徒勞竟何補 除氣翳見清明

試于高處一 流清端的自源清 湖山秀美冠東南況此山椒枕碧潭眼界寬平無限景 何 陰雲解駁晴光好藜杖逍遙足自怡月色漸遲風力 年從塵土俯澄泓整徽心神眼倍明天下湖泉有如此 初春便是浴沂時 題作一靈山千古佳名不可刊欲識此聲非浪得 遊靈山二首 一憑欄


多分正母白書

卷二十四

箇中好處不容參 宿霭埋山未肯收晚風吹雨濕衣表漁和 添我胸中萬解愁 溢沿萬項浸水輪千尺驚看玉塔新滿日輝光相照耀 乾坤何處不精神 灭之四年全書 一 天上金波印水心心中波浪亦成金小 雨中度東湖 望東湖五首 黑無票 湯漾金波裏 柴烟波裏

長使禄懷似此時 世故紛紛賺白頭何如良夜一扁舟霜風拂面心神庸 五十顏然一禿翁湖山清與渺無窮扁舟欲學為夷子 **壓應寧客一髮留 陡覺廣寒宫殿深** 有平吳霸越功 一功名姑置之微茫心事要深思水光月色精神好 又二首

大己の事とは 清輝含處妙難摹 重感疊嶂巧紫紆中有汪汪萬項湖山色水光相映發 太白筝前三十里古松夾道奏竽笙清輝秀色交相映 宇宙都歸一望中 *发蕲碞太白峯髙名干古獨稱雄放懷擬向山頭立 -時無限陰民田 生酷愛水浮天每到東湖意豁然要識此湖功利溥 天童道上二省 緊衛集



飲之四軍全書 人 城居未免戴塵役野處間觀德性初究竟熟為清與濁 錫與公侯百雉城 高名千古共宫晚年象坎在百步兴之高名千古共宫晚原註故交司沈國錄 舍比巑此萬疊青門前列岫巧相迎天公有意憐寒士 山林僻處且偷閒 古松奇石水潺潺小小茅庵一 山中 山居二首 * 齊集 兩問野性自知難適 也沈

不妨千載略同流 曾子才高事事能就中 百年風節仰英遊喜見新詩為點頭微試 此心安處即吾廬 **氣也** 老與 九而彌寫不 和姜子謙遊晁景迂祠 以聲孟原祭是六註 唇非有景 得不疑迂 丧自今先 動己人生 其出快大 Œ 有固雖不 大野雖下 孟有 然 愧 氏間此古 之矣景人 風剛迂獨 可 恨

久已印戶八五 此心那得片時間 朝來覽鏡一 杖藜數数款松與豈為多情酷愛山痛念慈顏陽泉壞 寄與樵人念此心 赖有斯人解服膺 -山岡畝百金家貧自嘆力難任杉松盡是親栽植 覽鏡二首 書先坐二首)何哀髮禿容枯半白髭老態侵尋光景仍 絮 齊集 <u>t</u>

波清日暖足優游去去來來總自由只為貪心除未得 絕勝歌喉要眇音 青銅相對即良朋 多分 正犀子書 春晚國禽百族鳴未知黄鳥可人心間中靜聽縣蠻 著鞭從比勿遅遅 日不專精面目塵埃已可憎何必鑑人明得失 觀魚 聞當 卷二十四 語

尺正四戶公司 俯仰由人亦可憐 誰作機關巧且便、 竟隨香餌上金鉤 列屋閒居曳綺 織婦 桔槹 梅雨 票齊集 統指汲清泉 往來濟物非無 競新磨那知紅女經營告 圭 用

金河正居石書 始信清秋本自清 江鄉梅熟雨如傾茅屋低頭因鬱然小 解教禾稼勃然與 比孤忠激肺肝 底中秋尚 **沸戲威不可干剱鋩莫作** 秋零 霜 然滂沱三日勢如傾今朝雨霽新涼 卷二十四 等閒看丈夫砥礪平 小問

たとり時代 胸次都無世俗情 霜氣横空月色明寒侵肌骨不勝清支節忍凍遊山徑 至精那得久沈淪造化回環自有神滿意只須三五夜 今夕端倪即是直 分全體見天真 一璇霄素魄淪 霜月 新月二首 痕初後便精神輝光 古

金石正屋台書 朝來雲物效嘉祥和氣初萌日漸長相慶紛紛緣底事 水流暑下瀉潺潺 好風吹雨到山前月與山翁故有緣靜夜相看兩寥寂 《教宇宙總熙熙 剛初復 八道贵陽剛 上月 冬至二首 何微萬潘 此時只此胚胎須護

次定四車全 老守區區慰此心 安得寒花屢舞風 去歲寒雲久積陰四郊雪片臘中深今年一稔民安業 擬將此味獻金門 禱精誠與上通嘉祥未與去年同老懷日夜憂無奈 窮臘負朝墩不羡紅爐獸炭溫始信太陽和氣別 冬日 和東林湛堂禪師善雪韻五首 聚齊集

琉璃為葉玉為能妙質天然不汝瑕精彩照人香絕俗 寂寞東林一老禪殷勤念我惠佳為敢煩見在慈悲佛 由來積玉兆豐年 皇皇有若救頭然為計無聊以籲天殲厥遺蝗類已 恨無住政布民問賦斂猶繁微未寬來歲若非禾稼熟 窮檐何以免熊寒 **我投誠過去僊** 玉簪 卷二十匹 とれるの見れる 鸦的自仙家 芙蓉 紫薇花二首 絮為外 西風體力柔雅 ナガ 物

多好四周白書 聊憑催促好詩來 想公飲客厭熊蹯 往時聯喜親標格今日無因款話言兀坐書齊飽蔬食 用其韻 久不見竹堂髙篇輒以湘蓴索之兩詩繼至因 受豐頻樽前勝玉梅肯為轉羹 卷二十四

攜鋤抱雞不群勞要使霜根足上膏。 次足四重私等 元来长也未為刚 **卻疑學圃屬吾曹** 誰將名字強稱揚弱質區區敢傲霜霜陨葉枯紅粉 究竟依憑未足多 松柏板援有女難紅英亦復蔓萬柯侵尋繳上 鹵蔬六首 拒霜花 絮齊集 我去艱難生理窄 雲霄


深林十月飽清霜寒氣侵凌味轉長世上甘腴有如此 寒儒專享未為貧 要知瓜祭必齊如 清風干古首陽被 良朋過我食無魚茅屋相尋以如蔬莫道黎養滋味 白菘肥胞真佳品紫 朱門終日 飲甘肥綺紹 排閱闔獻君王 綠盤筵鮨緩飛寧識山林枯槁士 人球含滿畦乡且 旨

火足四事全等 一 **革檀屏去忽三年筋力扶持老尚坚所養固知先大體** 風勁霜清木落時金丸粲粲壓枝垂貧家不作千奴計 卻在今時索冥中 黄葉紛紛舞勁風反膏收液歲成功明年滿眼春容好 (生何苦嗜肥鮮 樹庭前也自奇 詠橘 京商井

生平相偏了無華投老胡為也愛花家釀朋壺助清與 言善方知美在中 嚴畔移來漫一叢鮮鮮忽發十分紅細看頗與酸明類 會看落筆吐天葩 百卉芳菲二月時先春梅萼著陳枝只緣姑射風姿別 不怕寒威损玉肌 謝王恭父惠石嚴花二首 梅花四首 卷二十四 人子の 見いい 此花獨步信無前 解成住實作和羹 其間妙處不容評玉潔冰清亦强名要識此花高絕 寒花得水或成仙體素含香亦可憐韶嫩有餘清 **清香妙質總宜人老幹青枝更絕塵徹骨風流真我友** 费春工巧剪裁自然精彩粲瓊瑰也知受命如松 籬茅屋故相親 病起見梅花有感四首 探齊集

始信名花集大成 故向隆冬取次開 金月正月子書 為己工夫味更長 霜月交輝色愈明風標高節聖之清諦觀毫髮無遺恨 古澗荒郊人迹少幾枝摘索為誰芳因思陋巷甘學寂 病餘百念不關心偶見幽芳以自驚世故紛紛易湮沒 會須借此滌塵襟 雕梅 卷二十四

欠ってり上下上 調羹功用竟如何 倚天會見百尋高 初裁準擬雨如膏無奈晴追思 不怕林間走鹿饒 2相玉質舊同科暗裏清香萬斛多絕俗風流寧不似 咏竹 小松二首 然齊集 **陆造物見憐甘澤** 2牛岡 自有神呵 Ŧ



精神紀固無寒暑晝夜之隔及壯寢多不寐凡所著述 絮齋集後序 かんでのいましたはい 為天者已不全矣君子奚尚焉我先君子之屬辭也止 渾然天成者有道有德之言也道德不足言解雖工所 渾然天成者乎先君子自言兒時讀書一再過即成誦 自賀中若不雕鐫而明潔如星河粹潤如金玉真所謂 率成枕上至暮年亦然記覽甚博渟蓄日富然未常襲 人畦逕尤不喜用難字每誦先聖之言曰辭達而已矣 聖齊集

挠入侍經幄講讀從容每援古誼以證時務啓沃之功 是散落人間兄弟相與哀輯尚多顏略姑取其己柔次 遺編猶在不肖狐不能窺其彷彿又安能擬諸形容惟 立朝抗疏懸惧忠愛不為矯激至其指事力陳略無 者刻梓以惠後學俾知有道有徳之言渾然天成益若 動其他論著多有補於世教凡終序粉飾峭刻奇險之 良多到誘後進開明本心一言一字的切贴白聞者感 無有焉非全於天而能若是乎嗚呼先君子往矣 回

此不肯派倘未即死庶幾旦旦熟復以自警云紹定初 甫拜手謹書 月既望男朝奉郎權知衛州軍州兼管內勘農事

沙芝の事を与

於痛作

